

O'ZBEKISTON RESPUBLIKASIDA ONA VA BOLA MUHOFAZASI

Nozima Murotova Habibillaevna

Tosh. PMI, tarix

+998 998666888

Annotatsiya

Ushbu tezisda O'zbekiston Respublikasida onalar va bolalarning muhofazasi, ularning muhofazasi uchun olib borilayotgan qator chora-tadbirlar haqida so'z yuritildi.

Kalit so'zlar:Oliy Majlis, Sog'liqni saqlash vazirligi, "Ayollar maslahat onalari", "Qizlar salomatlik markazlari"

KIRISH

Mamlakatimizda aholining reproduktiv salomatligini mustahkamlash, onalik va bolalikni muhofaza qilish, sog'lom bola tug'ilishi, jismoniy va ma'naviy barkamol avlodni voyaga yetkazish sog'liqni saqlash sohasida amalga oshirilayotgan islohotlarning bosh mezoniga aylandi. Onalar va bolalarning muhofazasidagi bosh omil bu- ularning sog'lom turmush tarzida yashashlari, qizlarning turmushga chiqmasdan avval salomatliklariga jiddiy e'tibor berilishi, bolalarning homilalik paytidan sog'lom rivojlanishidir.

ASOSIY QISM

2020-yil 12-oktyabr kuni Oliy Majlis Qonunchilik palatasi Fuqarolarning sog'lig'ini saqlash masalalari qo'mitasi Sog'liqni saqlash vazirligining "Sog'liqni saqlash vazirligi tizimida onalar va bolalar salomatligini muhofaza qilish, sog'lom bola tug'ilishini ta'minlash borasida amalga oshirilgan ishlar to'g'risida" gi axborotini eshitdi. Axborotda qayd etilganidek, so'nggi yillarda onalar va bolalarning sifatli tibbiy xizmatlardan foydalanish imkoniyatlarini kengaytirish, ularga ixtisoslashgan va yuqori texnologik tibbiy yordam ko'rsatish, reproduktiv salomatlikni saqlash, go'daklar va bolalar o'limining oldini olishga qaratilgan qator qonunlar, Prezident farmon va qarorlari qabul qilindi. Mazkur yo'nalishda bugungi kunda respublikaning barcha hududlarida perinatal, skrining, reproduktiv salomatlik va diagnostika markazlari, tug'ruq bo'limlari, ko'ptarmoqli poliklinika, oilaviy poliklinika va qishloq vrachlik punktlari tomonidan aholiga tibbiy xizmat ko'rsatib kelinmoqda. Yurtimizda onalar va bolalar salomatligini muhofaza qilish borasida olib borilayotgan amaliy ishlar deputatlar tomonidan e'tirof etildi. Xususan Aholini profilaktik ko'rik, tizimli patronaj bilan qamrab olish va reproduktiv salomatligini mustahkamlash yuzasidan ko'rilgan choralar o'z natijasini bermoqda. Shuningdek, ginekologik kasalliklarni zamonaviy xalqaro talablarga mos tashxislash, davolash va rehabilitatsiya usullari amaliyotga keng tatbiq etilmoqda. Onalik va bolalikni muhofaza qilishga yo'naltirilgan markazlardagi malakali mutaxassislarining joylarga

chiqib homiladorlar, reproduktiv yoshdagi ayollarni tibbiy ko'rikdan o'tkazishi, mahorat darslari va o'quv-seminarlari tashkil etishi yo'lga qo'yilgan. Joriy yilning o'tgan davri davomida hududlardagi tug'ruq muassasalarimutaxassislarining 15 nafari xorijiy mamlakatlarda (13 nafari Rossiyada, 1 nafardan Polsha va Turkiyada) malaka oshirdi.

Hozirgi kunda koronavirus infeksiyasiga chalingan homilador ayollar uchun respublikadagi 15 ta muassasa qoshida ixtisoslashtirilgan 820 shifo o'rni tashkil etilib, faoliyat yuritmoqda.

Shuningdek, deputatlar tomonidan onalar va go'daklar o'limi jumladan, erta neonatal o'lim, voyaga yetmaganlar orasidagi tug'ruqlarni kamaytirish borasida kadrlar salohiyatini kuchaytirish, tizimga yangicha yondashish borasida bir qator takliflar berildi.

Eshituvda xalq vakillari tomonidan hududlarda 18 yoshgacha bo'lgan qizlar va fer til yoshdagi ayollar sonidan kelib chiqqan holda "Ayollar maslahatxonasi" va "Qizlar salomatlik markazlari" uchun shtatlar ajratish, birlamchi tibbiy-sanitariya yordami muassasalari shtat me'yorlarini qayta ko'rib chiqish, birlamchi tibbiy-sanitariya yordami xizmati umumiy amaliyot shifokorlarining ish yuklamalarini qayta ko'rib chiqib, ularning sonini optimallashtirish hisobiga oilaviy poliklinika va qishloq vrachlik punktlarida akusher-ginekolog hamda pediater, qizlar uchun bolalar ginekologi shtat birliklarini joriy etish takliflari kiritildi.

XULOSA

O'zbekiston Respublikasida barcha fuqarolar, ayniqsa onalar va bolalar muhofazasi muhimdir. Bugungi kunda mamlakatimizda onalar va bolalarning salomatligini saqlash yuzasidan ko'plab chora-tadbirlar amalga oshirilmoqda. Xususan, ayollar va o'smir qizlarni sog'lomlashtirish va bo'lajak onalarning reproduktiv salomatligini yaxshilash, homiladorlarga tibbiy yordam ko'rsatish sifatini oshirish, onalar salomatligini mustahkamlash maqsadida birlamchi tibbiy-sanitariya muassasalarida "Ayollar maslahatxona"lari, qizlar salomatligini mustahkamlash maqsadida "Qizlar salomatlik markazlari" tashkil etilgan. Ushbu tezisdan xulosa sifatida shuni aytish joizki, avvalo qizlarning salomatligiga e'tiborli bo'lish, ayyolar uchun qulay shart-sharoitlar yaratish lozim, chunki xaqlimizda shunday naql bor: Sog'lom ona- sog'lom bola".

FOYDALANILGAN ADABIYOTLAR

1. O'zME. Birinchi jild. Toshkent, 2000-yil
2. www.unicef.org